

*Nyiaj Ib Feem Kaum
thiab cov Nyiaj Yoo Mov*



*“Nej yuav tsum nqa tej uas nej
muaj, ib feem kaum tuaj tso rau
hauv lub tsev cia khoom...thiab ua
raws li kuv hais, tus Tswv tau hais,
nej yeej yuav pom kuv qhib rooj ntug
ceeb tsheej, thiab nchuav koob
hmoov ntau nplua mias los rau nej,
uas yuav tsis muaj chaw ntim tas li”*

Malakis 3:10

Leej Txiv Saum Ntuj Ceeb Tsheej hlub koj thiab xav foom koob hmoov rau txhua yam hauv koj lub neej. Tej lus txib uas Nws tau muab rau Nws cov yaj saub yuav pab koj ua tau lub neej muaj kev zoo siab. Txoj lus txib kom them ib feem kaum, uas muab txum tim rov qab los ntawm tus Yaj Saub Yauxej Xamiv, yog kev muab cib fim rau koj los koom pab txhim tsa Vajtswv lub nceeg vaj rau hauv ntiaj teb. Yuav tsum ua raws li txoj lus txib no es thiaj li yuav los ua tau kev cai raus dej los rau hauv Yexus Khetos lus Koom Txoos ntawm Tsoom Haiv Neeg Ntseeg hauv Hnub Nyoog Kawg.

*Twb cog lus lawm hais
tias yuav muab koob
hmoov ntau heev rau
cov neeg uas ua raws
li txoj lus txib kom
them ib feem kaum.*

Nyiaj Ib Feem Kaum Yog Dab Tsi?

Nyiaj ib feem kaum yog cov nyiaj uas yus muab rau Vajtswv lub Koom Txoos uas yog ib feem kaum ntawm cov nyiaj uas yus khwv tau. Txoj lus txib no yeej muaj txij li puag thaum ub nyob hauv Phau Qub los lawm. Tus yaj saub Malakis tau qhia txog qhov tseem ceeb ntawm ib feem kaum thiab tej koob hmoov uas yuav muaj los yog tias ua raws li txoj kev cai no” (Malakis 3:10).

“Nej yuav tsum nqa tej uas nej muaj, ib feem kaum tuaj tso rau hauv lub tsev cia khoom...thiab ua raws li kuv hais, tus Tswv tau hais, nej yeej yuav pom kuv qhib rooj

ntug ceeb tsheej, thiab nchuav koob hmoov ntau nplua mias los rau nej, uas yuav tsis muaj chaw ntim tas li” (Malakis 3:10).

Thaum xyoo 1838 tus Tswv rov qab hais txog txoj lus txib no los ntawm tus Yaj Saub Yauxej Xamiv:

Tus Tswv tau hais tias Nws cov neeg yuav tsum them ib feem kaum ntawm tag nrho tej paj uas lawv tsum tau txhua xyoo. No yuav yog ib txoj kev cai uas lawv yuav tsum ua raws li mus ib txhis li (saib phau Lus Qhuab Qhia thiab Kev Khi Lus 119:3–4). *Paj* yog txhais tau tias yog cov nyiaj uas yus khwv tau.

Koj cov nyiaj ib feem kaum yeej dawb huv rau tus Tswv, thiab koj hwm Nws thaum koj them ib feem kaum. Kev them ib feem kaum no yog ib yam uas koj ua tau los qhia tias koj muaj kev ntseeg ntawm Vajtswv thiab Nws txoj hauj lwm.

Yog Vim Li Cas Kuv thiaj Yuav Tsum Them Ib Feem Kaum?

Txhua yam zoo uas koj muaj hauv koj lub neej puav leej yog ib qho khoom plig uas los ntawm koj Leej Txiv Saum Ntuj Ceeb Tsheej uas hlub koj heev los. Ces thaum koj them ib feem kaum rov qab rau Nws, ces nov qhia tau tias koj muaj kev hlub, kev ntseeg thiab kev ris txiaj no. Ua li no qhia tau tias koj yuav ua raws li Vajtswv hais txawm hais tias tsis yooj yim, koj qhia tau rau Nws tias koj yeej yuav vam khom Nws es yuav tsis cia siab rau tej nyiaj txiaj los sis tej khoom uas koj muaj hauv ntiaj teb





no. Vim koj txoj kev ntseeg, koj Leej Txiv Saum Ntuj Ceeb Tsheej tau cog lus tias Nws yuav foom koob hmoov rau koj ntau tshaj tej yam uas koj tau muab pub lawm.

Txawm tias nyuab heev rau ib txhia neeg ntseeg tau tias lawv yuav them taus ib feem kaum ntawm tej nyiaj uas lawv khwv tau no los, cov neeg uas muaj kev ntseeg uas yeej ib txwm them ib feem kaum los lawm, los lawv yeej tsis kam muab tso tseg li, lawv yeej rau siab ntso them mus

li xwb. Qhov tseeb thiab zoo heev yog rooj ntug ceeb tsheej yeej qhib, thiab koob hmoov yeej nchuav ntau nplua mias los rau cov uas rau siab them ib feem kaum no tiag tiag li. Muaj ib tug poj ntsuam piav rau nws tus tub hais tias, “Kuv yeej yuav tu tsis taus nej loj hlob li yog hais tias tsis muaj tej koob hmoov ntawm tus Tswv, yog li ntawd, kuv thiaj them ib feem kaum kom kuv thiaj li tau tej koob hmoov no. Thaum kuv them ib feem kaum, ces kuv tau tus Tswv cov lus cog tseg lawm hais tias nws yuav foom koob hmoov rau peb no, thiab peb yuav tsum tau tej koob hmoov no es peb thiaj li yuav ua taus neej. (Dallin H. Oaks, *Ensign*, Tsib Hlis Ntuj 1994, 33).

Kev muaj dag zog ntawm sab ntsuj plig yog los ntawm tus Tswv los. Thaum muaj ntau yam kev sim siab hauv peb lub neej, ces peb yuav tsum muaj kev ntseeg, kev

*Kev them ib feem
kaum qhia tau tias koj
muaj kev ntseeg ntawm
Yexus Khetos. Thaum
koj tso siab rau Nws,
koj yuav muaj dag zog,
tau kev pab, thiab yuav
tau kev txhawb nqa
hauv koj lub neej.*



tshoov siab, thiab kev ua siab loj. Tej koob hmoov no yeej yuav nchuav saum rooj ntug ceeb tsheej los yog hais tias peb tau ua raws li txoj kev cai them ib feem kaum.

Tsis tag li ntawd xwb, cov neeg feem coob uas muaj kev ntseeg es rau siab them ib feem kaum kuj pom tau tias lawv kuj muaj nyiaj txaus los them lawv tej nuj nqis thiab rau tej yam uas lawv xav tau. Kev them ib feem kaum pab peb tswj peb tej kev xav yuav ntau yam thiab pab peb ua neeg ncaj ncees rau cov neeg ntawm peb ib ncig. Peb yuav ntseeg tau tias tej yam uas peb twb muaj lawm uas yog los ntawm tus Tswv tej koob hmoov los thiab peb tej kev rau siab ua hauj lwm ces yeej txaus rau peb tej kev toob kas lawm.

Txawm tias koj khwv tau nyiaj ntau los tsawg, koj yuav tau koob hmoov yog tias koj them ib feem kaum. Thaum Yexus pom tus poj niam muab ob peb lub nyiaj npib tso hauv lub tuam tsev qhov chaw cia nyiaj, Nws tau hais rau Nws cov thwj tim hais tias, “Tus poj niam pluag pluag ntawd tso nyiaj ntau dua lwm tus, rau qhov lwm tus tsuas muab tej nyiaj seem nqa tuaj tso xwb, tiam sis tus poj ntsuam pluag pluag ntawd muab tag nrho ob lub nyiaj uas nws muaj” (Malakaus 12:43–44).

Cov Nyiaj Ib Feem Kaum Muab Siv Ua Dab Tsi?

Nyiaj ib feem kaum yog tus Tswv txoj kev cai ntawm cov nyiaj txiag rau Nws lub Koom Txoos. Cov nyiaj ib feem kaum yeej yog muab siv rau tus Tswv tej hauj lwm txhua lub sij hawm xwb, raws li uas Nws tau qhia rau Nws cov tub qhe lawm. Cov nyiaj muab siv ua tej yam li nram qab no:

- Kev ua thiab tu tej tuam tsev, tej tsev teev ntuj, thiab lwm lub tsev ntawm lub Koom Txoos.
- Kev txhawb nqa tej kev ua si thiab tej kev khiav hauj lwm ntawm lub Koom Txoos tej pawg ntseeg.
- Kev txhawb nqa lub Koom Txoos tej khoos kas, suav tej kev qhia ntawv thiab tej kev tshawb nrhiav tsev neeg keeb kwm.

Cov nyiaj ib feem kaum yog yus ua twj ywm them xwb tsis muaj neeg paub, thiab tej ntaub ntawv hais txog yus txoj kev them nyiaj ib feem kaum yeej khaws cia zoo zoo tsis pub lwm tus neeg lam tau lam saib.



The Church of
JESUS CHRIST
of Latter-day Saints

Kev Yoo Mov thiab cov Nyiaj Yoo Mov

Ntxiv rau qhov kev them ib feem kaum, peb raug txib kom muab tej yam uas peb muaj mus pab cov pluag thiab cov neeg uas xav tau kev pab thiab no. Ib txog kev pab tau li no yog thaum yoo mov uas kom yoo tsis txhob noj ob pluag mov. Tus Tswv muab txoj ntsiab cai no txum tim rov qab los ntawm tus Yaj Saub Yauxej Xamiv, thiab lub Koom Txoos tau xaiv tseg tias ib hlis no muaj ib hnuv Sunday los ua hnuv yoo mov. Txoj kev yoo mov uas yeej yog ib yam qhia tau tias lub koom txoos muaj tseeb tiag, yog ib lub cib fim rau txoj kev loj hlob los sis hloov siab ntawm sab ntsuj plig thiab kom peb yuav los nyob ze dua rau peb Leej Txiv Saum Ntuj Ceeb Tsheej.

Cov mej zeej hauv lub Koom Txoos, thaum yoo mov li no yuav muab ib qho nyiaj yoo mov mus pab rau cov pluag thiab cov neeg uas xav tau kev pab. Qhov nyiaj yoo mov no yuav tsum yog muab kom txaus li ob pluag mov uas tus mej zeej tau yoo mov lawm. Tej nyiaj no yog muab siv los yuav zaub mov, them nqi tsev nyob, thiab lwm yam uas cov neeg pluag xav tau, qhov no yeej pab tau rau cov neeg nyob ze thiab cov neeg thoob plaws ntiaj teb no tib si.

Yeej tsis muaj ib txoj cai uas hais tias yuav tsum muab nyiaj yoo mov ntau npaum li cas. Thaum koj muab kom tsim nyog rau txoj kev muab xwb, ces koj yuav tau koob hmoov ntawm sab ntsuj plig thiab cev nqaij daim tawv tib si vim hais tias koj ua siab dawb xav pab lwm tus.





KEV KAWM NTXIV

Cov lus noog thiab tej vaj lug kub nram qab no yuav pab koj ua tib zoo xav ntxiv txog tej ntsiab cai hauv daim ntawv no. Tej lus qhia thiab vaj lug kub yuav pab qhia koj mus nyeem rau hauv lwm cov ntawv thiab lwm qhov kev pab txog tej ntsiab cai no.

Yog Vim Li Cas Kev Them Ib Feem Kaum thiaj li Tseem Ceeb?

Levis-Kevcai 27:30 (Phau Vaj Lub Kub Npaiv Npaum, Phau Qub)

Lukas 12:16–21 (Phau Vaj Lub Kub Npaiv Npaum, Phau Tshiab)

Yuav Tau Koob Hmoov Dab Tsi Thaum Them Ib Feem Kaum?

Malakis 3:8–12 (Phau Vaj Lub Kub Npaiv Npaum, Phau Qub; thiab saib 3 Nifais 24:8–12, Phau Ntawv Maumoos, phab 455)

Mathais 6:31–33 (Phau Vaj Lub Kub Npaiv Npaum, Phau Tshiab; thiab saib 3 Nifais 13:31–33, Phau Ntawv Maumoos, phab 435)


“Tithing,” *True to the Faith* (Cov tub txib los sis ib tug mej zeej hauv lub Koom Txoos yeej yuav pab nrhiav kom tau phau ntawv no rau koj. Los sis koj nrhiav tau rau hauv internet ntawm www.mormon.org.)

Kuv yuav ua li cas thiaj pab tau cov pluang thiab cov neeg uas toob kas kev pab?

Yaxayas 58:6–7 (Phau Vaj Lub Kub Npaiv Npaum, Phau Qub)

Mathais 19:21 (Phau Vaj Lub Kub Npaiv Npaum, Phau Tshiab)

Mauxiyas 4:26 (Phau Ntawv Maumoos, phab 157)



Kuv Yuav Tsum Ua Li Cas?

- Nyeem Phau Ntaww Maumoos ntxiv mus.
Yaum kom nyeem tej no: _____
- Pib them ib feem kaum. Thov Vajtswv kom pab koj ua raws li txoj lus txib no.
- Mus koom lub koom txoos hnuv Sunday no.
- Npaj yuav ua kev ua kev cai raus dej ntxiv mus.
Hnuv ua kev cai raus dej: _____
- Xyuas www.mormon.org kom thiaj kawm tau ntxiv txog Yexus Khetos lub Koom Txoos Ntawm Tsoom Haiv Neeg hauv Hnuv Nyoog Kawg.
- Pheej nrog cov tub txib sib ntsib ua ke kom thiaj kawm tau seb Vajtswv tej lus txib yuav foom tau koob hmoov li cas rau koj lub neej.

Rov qab teem caij thaum: _____

Cov tub txib tej npe thiab naj npawb xov tooj:

YEXUS KHETOS

LUB KOOM TXOOS
NTAWM TSOOM
HAIV NEEG NTSEEG
HAUV HNUV NYOOG KAWG

www.mormon.org

Cov Duab

Daim plhaub tom hau ntej, ib qho ntawm daim duab hu ua *Christ and the Rich Young Ruler*, los ntawm Heinrich Hofmann, uas yog C. Harrison Conroy Co., Inc. cia peb siv.
Phab 8, ib qho ntawm daim duab hu ua *All That She Had*, los ntawm Simon Dewey. © Simon Dewey
Tej phab 5 los ntawm Hyun-Gyu Lee. © Hyun-Gyu Lee
Tej phab 13 los ntawm Wei-Siang Wang. © Wei-Siang Wang

©2007 los ntawm Intellectual Reserve, Inc. Ceev txhua txoj cai. Luam tawm hauv Teb Chaws Amelikas. Pub luam tawm ua lus As Kiv: 02/06. Pub txhais ua lus Hmoob: 02/06. Kev txhais *Titling and Fast Offerings*. Hmong.

HMONG



4 0201143295 3

01143 295